



## Certifikat bonitetne pouzdanosti

je dokument koji izdaje LRC d.o.o. privrednim subjektima na osnovu stručne analize finansijskih izvještaja i ostalih ekonomskih parametara za koje je moguće procijeniti visok stepen vjerovatnoće da se radi o finansijski pouzdanom partneru.

Prema stručnom mišljenju i analizi izdavaoca sertifikata LRC d.o.o., nosilac sertifikata bonitetne pouzdanosti je sa stanovišta raspoloživih sredstava i finansijske situacije kao i trenutnih poslovnih aktivnosti pouzdan privredni subjekt, za koji postojeći i budući poslovni partneri mogu s velikim stepenom pouzdanosti pretpostaviti da u budućem kratkoročnom vremenskom periodu od najmanje jedne godine ne bi trebao biti podložan značajnijim finansijskim problemima ili poteškoćama koje mogu izazvati poduzimanje mjera koje u značajnoj mjeri mogu utjecati na poslovanje predmetnog subjekta.

Certifikat boniteta potvrđuje da su finansijsko stanje i opće poslovanje iznad prosjeka i da se nosilac Certifikata boniteta nalazi među 9,8% najpouzdanijih kompanija u Bosni i Hercegovini.

## Koji su kriteriji za dodjelu sertifikata?

Pravno lice, da bi bilo kvalificirano za nosioca Certifikata bonitetne pouzdanosti, mora ispunjavati sve od postavljениh uvjeta:

- ✓ Pravno lice mora biti subjekt registriran u Bosni i Hercegovini i ne smije biti u procesu stečaja ili likvidacije;
- ✓ Pravno lice mora biti subjekt koji je predao finansijske izvještaje nadležnoj agenciji za posljednje dvije godine;
- ✓ U toku posljednje izvještajne godine pravno lice mora ostvariti prihode od najmanje 100.000,00 KM
- ✓ U posljednjoj izvještajnoj godini pravno lice ne smije imati prikazan gubitak iznad visine kapitala;
- ✓ Pravno lice posljednje dvije izvještajne godine posluje uz ostvarenu dobit;
- ✓ U momentu izdavanja sertifikata pravno lice nije imalo blokiranih bankovnih računa u periodu od jedne godine, čak ni za period od jednog dana;
- ✓ U skladu s metodologijom ocjenjivanja finansijskog statusa u okviru Business Intelligence System-a pravno lice imalo je najnižu ocjenu 4 ili 5;
- ✓ Pravno lice sa ocjenom boniteta 4 mora imati povećanje prihoda, dobiti i broja uposlenih;
- ✓ Za pravno lice sa ocjenom boniteta 4, tekuće obaveze ne smiju iznositi više od 50% ostvarenih prihoda za posljednju izvještajnu godinu.



## Koju korist imaju kompanije dobivanjem certifikata?

Ukupna ocjena finansijskog statusa kompanije urađena je na osnovu dinamičkih i statičkih pokazatelja, tj. ocjene pokazatelja o finansijskoj poziciji i finansijskom rezultatu.

Za samu ocjenu korišteno je osam različitih pokazatelja koji se izračunavaju na osnovu vrijednosti stavki iz godišnjih finansijskih izvještaja - bilansa stanja i bilansa uspjeha. Neki od pokazatelja su standardni pokazatelji (npr. tekući i ubrzani pokazatelj te ROA i ROE), dok su neki specifični i izvedeni te obuhvataju više stavki finansijskih izvještaja.

Osnova za izradu su historijski rezultati posljednjeg izvještajnog perioda i očekivani trendovi. U obzir se uzimaju, uvjetno rečeno, tri godine – prethodna, tekuća (posljednja izvještajna) poslovna godina, kao i projekcija pokazatelja za narednu godinu na osnovu historijskih rezultata.



## O LRC-u

LRC d.o.o. na tržištu Bosne i Hercegovine već 16. godinu prikuplja i analizira informacije o kompanijama, s posebnim naglaskom na njihove finansijske rezultate i likvidnost, a u protekle tri godine aktivno radi i na bonitetnom ocjenjivanju kompanija.

## O projektu bonitetne certifikacije

U sklopu prve Leadership konferencije održane 23.4.2016. godine u Sarajevu, LRC je zvanično predstavio i započeo projekat Bonitetne certifikacije kompanija iz Bosne i Hercegovine sa izuzetnim pokazateljima uspješnosti poslovanja.

